

UNIVERZITET U TUZLI
SENAT
Broj: 03-2853-1-1/21
Tuzla, 16.06.2021. godine

Na osnovu člana 60. stav (1) tačka d) Zakona o visokom obrazovanju („Službene novine TK“ broj 7/16, 10/16, 5/17, 15/19 i 20/19), a u vezi sa članom 98. istog Zakona, te člana 179. stav (2) Statuta Univerziteta u Tuzli, Senat Univerziteta u Tuzli na sjednici održanoj 16.06.2021. godine donio je

ODLUKU
o izmjenama Pravila i procedura za prijem i upis studenata u prvu godinu prvog i integriranog prvog i drugog ciklusa studija na Univerzitetu u Tuzli

Član 1.

U Pravilima i procedurama za prijem i upis studenata u prvu godinu prvog i integriranog prvog i drugog ciklusa studija na Univerzitetu u Tuzli (Prečišćeni tekst) broj: 03-1923-1-3/21 od 19.04.2021. godine i broj: 03-2143-1-19/21 od 05.05.2021. godine, člana 15. mijenja se i glasi:

„Broj bodova po osnovu **opštih kriterija, za Fakultete**, utvrđuje se tako da se prosječna ocjena iz svih predmeta, u svim razredima srednje škole, množi brojem **10 (deset)** i nakon toga zaokružuje na dvije decimale.

Broj bodova po osnovu **opštih kriterija, za Akademiju**, utvrđuje se tako da se prosječna ocjena iz svih predmeta, u svim razredima srednje škole, množi brojem 3 (tri) i nakon toga zaokružuje na dvije decimale.

Broj bodova po osnovu **pojedinačnih kriterija, za Fakultete/Akademiju**, utvrđuje se kao prosječna ocjena iz jednog do tri predmeta, u skladu sa Konkursom, iz dva razreda srednje škole, koji su od značaja za odgovarajući studij i nakon toga zaokružuje na dvije decimale, pri čemu se uzimaju ocjene povoljnije za kandidate iz dva razreda srednje škole.

- U slučaju da kandidat u srednjoj školi nije imao sve predmete od značaja za odgovarajući studij ili nije imao predmet u dva razreda, prosječna ocjena se izračunava tako što se za predmete koje kandidat nije imao unosi 0 (nula) i dijeli se sa brojem ocjena iz predmeta koji su od značaja za odgovarajući studij.

Broj bodova **po osnovu eksterne mature, za Fakultete/Akademiju**, utvrđuje se tako da se prosječna ocjena ostvarena na eksternoj maturi zaokružuje na dvije decimale“.

Član 2.

Ova Odluka stupa na snagu danom donošenja.

Dostavljeno:
1x Fakulteti/Akademija
1x Ured za nastavu
1x Senat



PREDSJEDAVAJUĆA SENATA

Nermina Hadžigrahić
Dr. sc. Nermina Hadžigrahić, red. prof.